

Na osnovu člana 69. stav (2) tačka e) i člana 70. stav (1), stav (4) i stav (6) Zakona o javnim nabavkama («Službeni glasnik BiH», 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine i člana 13. stav (3) Pravilnika o javnim nabavkama Centralne banke Bosne i Hercegovine, broj: UV-122-01-1-11/18 RJ od 30.01.2018. godine, guverner Centralne banke Bosne i Hercegovine, donosi

O D L U K U

o poništenju postupka javne nabavke roba – firewall uređaja, putem otvorenog postupka

Član 1.

Ovom odlukom se poništava otvoreni postupak za nabavku roba – firewall uređaja, procijenjene vrijednosti u iznosu od 5.000,00 KM (slovima: pethiljada konvertibilnih maraka i 00/100), iz razloga što je cijena prihvatljive ponude znatno veća od osiguranih sredstava za predmetnu nabavku.

Član 2.

Centralna banka će o rezultatima provedenog postupka javne nabavke obavijestiti ponuđača.

Član 3.

Za realizaciju ove odluke zadužuju se Odjeljenje za javne nabavke i Odjeljenje za računovodstvo i finansije Centralnog ureda Centralne banke Bosne i Hercegovine.

Član 4.

Ova odluka će se objaviti na web stranici Centralne banke Bosne u Hercegovine, www.cbbh.ba, istovremeno sa upućivanjem obavještenja o rezultatima postupka ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama («Službeni glasnik BiH», broj 39/14).

Član 5.

Ova odluka stupa na snagu danom donošenja.

O b r a z l o ž e n j e

Postupak javne nabavke roba – firewall uređaja, putem otvorenog postupka, odobren je Odlukom o pokretanju postupka, broj: 150-15-4-2164-2/18 SAK od 13. augusta 2018. godine. U skladu s tim, Centralna banka je 14. septembra 2018. godine na portalu Javnih nabavki objavila Obavještenje o nabavci broj: 1370-1-1-483-3-153/18.

U predviđenom roku za dostavljanje ponuda blagovremeno je dostavljena jedna ponuda i to: EMERGING MARKETS CONSULTANTS d.o.o. Sarajevo.

Komisija za provođenje postupka javne nabavke je izvršila pregled i ocjenu ponude i konstatovala da ponuda ponuđača EMERGING MARKETS CONSULTANTS d.o.o. Sarajevo ispunjava sve

zahtjeve u pogledu opisa predmeta nabavke i tehničke specifikacije, uz napomenu da je ponuda ponuđača znatno veća od osiguranih sredstava za predmetnu nabavku.

Vrijednost ponude iznosi 11.050,88 KM bez uračunatog PDV-a i veća je od procijenjene vrijednosti nabavke za 6.050,88 KM bez uračunatog PDV-a. Komisija za nabavke je u svom Izvještaju o radu komisije sa preporukom, broj: 149-15-4-2479-6/18 od 02. oktobra 2018. godine konstatovala da je vrijednost ponude znatno veća od osiguranih sredstava za predmetnu nabavku, te je dala preporuku za donošenje odluke kao u dispozitivu.

Pouka o pravnom lijeku:

Protiv ove odluke može se u pisanoj formi uložiti žalba Centralnoj banci Bosne i Hercegovine u roku od 10 dana od dana prijema ove odluke.


GUVERNER
dr. Senad Softić
dr. Senad Softić

Dostaviti:

- guverneru
- viceguvernerima
- uredu glavnog internog revizora
- sekretaru Uprave i Upravnog vijeća
- predsjedniku komisije
- Odjeljenju za informacione tehnologije
- Odjeljenju za računovodstvo i finansije (original)
- Odjeljenju za javne nabavke (original)
- Odjeljenju za ljudske resurse
- u spis predmeta (original)
- arhiva